

SCRIPT OF EVENING GOJRI NEWS BULLETIN 7AUG 1700 HRS

ایونینگ گو جری نیوز بلیٹن مورخہ 7 اگست 2025

یوہ آکا شوانی جموں ہے ظفر اقبال تے نصرت تیں خبر سُنو۔

HEADLINES

- ۱۔ وزیر اعظم نریندر مودی غو کہنو ہے جے کساناں غی فلاح و بہبود ان غی حکومت غی اولین ترجیح ہے تے کساناں غی آمدنی بدهان بارے سرکار واعده بند ہیں۔
- ۲۔ وزیر اعظم نریندر مودی 10 اگست نانہہ ویشنو دیوی کٹڑہ امرت سر وندے بھارت ریل گڈی نانہہ عملی طورور ہری چھنڈی دسیں گا۔
- ۳۔ حکومت نے علیحدگی پسند بیانہ نانہہ پھیلاں آلی 25 کتاباں ور پابندی لادتی ہے۔
- ۴۔ ادھمپور ضلع مانہہ سڑک حادثہ مانہہ سی آر پی ایف غا 3 جوان شہید تے 15 دیگر زخمی ہو گیا ہیں۔
- ۵۔ جموں خطہ مانہہ 11 ووں قومی ہتھ گڈی تہاڑو منایو گیو ہے۔

PM CENTENARY CONF

وزیر اعظم نریندر مودی نے کہیو ہے جے بھارت اپنا کساناں گا مفاد ور کدے وی سمجھوتونی کرے غو ایم ایس سوامی ناتھن سینٹری بین العقوامی کانفرنس سنگ خطاب کرتا وں وزیر اعظم مودی نے کجھ اس طرح کہیو۔ اُنہاں نے مزید کہیو جے حکومت کساناں غی آمدنی بدان تے کاشت کاری ور اخراجات کٹ کرن واسطے مسلسل کم کر رہی ہے وزیر اعظم نے گل بات کرتا وں کہیو جے حکومت نے کساناں غی طاقت نانہہ ملک غی ترقی غی بنیاد ور تسلیم کیو ہے جناب مودی نے مزید اس طرح کہیو۔ وزیر اعظم نے کہی و جے ڈاکٹر سوامی ناتھن نے بھارت نانہہ خوارک غی پیداوار مانہہ خود کفیل بنان غی تحریک غی قیادت کی جناب مودی نے کہیو جے ڈاکٹر سوامی ناتھن نے حیا تیاتی تنوع توں اگے بد غے خوشی غا ماحول مانہہ رہن اگ نظریہ گو تصور کیو۔ جناب مودی نے کہیو جے آج وی ان غا خیالات نانہہ بھار گا زراعت شعبہ مانہہ دیکھیو جارہیو ہے۔

AMRITSAR VANDE BHARAT

جموں ریل ڈویزن نے کہیو ہے جے وزیر اعظم نریندر مودی 10 اگست نانہہ امرتسر تے شری ماتا ویشنو دیوی کٹڑہ غے بشکار وندے بھارت ایکسپریس ریل گڈی سروس نانہہ عملی طورور چھنڈی دس غے روانہ کریں غا آکاشوانی جموں غا نامہ نگار نے اطلاع دتی ہے جے جموں ریل ڈویزن گا ایک سنئیر افسر نے دسیو جے وندے بھارت ریل گڈی نمبر 24406 شری ماتا ویشنو دیوی کٹڑہ توں امرتسر چلے گی جد کہ ریل گڈی نمبر 26405 امرت سر توں شری ماتا ویشنو دیوی کٹڑہ بقتہ مانہہ 6 دن منگلار تہاڑا نانہہ جھوڑ غے چلے گی ریل گڈی نمبر 26406 کٹڑہ توں سویرے 6 بج غے 40 منٹ ور روانہ وے گی تے جموں پٹھانکوٹ کینٹ جلندھر شہر ویاس مانہہ رک غے دوپہر 12 بج غے 20 منٹ ور امرتسر پو جے گی قابل ذکر ہے جے یہ بی ریل گڈی امرتسر توں شام 4 بج غے 25 منٹ ور روانہ وے گی تے رات 10 بجے کٹڑا پُجے گی۔

UDHAMPUR ACCIDENT

ضلع ادھمپور مانہہ اج سی آر پی ایف غا3جوان ایس ویلے ماریا گیا جد اُن نانہہ لے جاری کڈی ڈنگا نالا مانہہ جا پنی۔ قابل ذکر ہے جے اس حادثہ مانہہ3جوان شہید تے15دیگر زخمی ہو گیا ہیں آکاشوانی جموں گا نامہ نگار نے خبر دتی ہے جے یوہ واقعیو کانڈوا علاقہ مانہہ اس ویلے پیش آيو جد یہ اہلکار بسنگڑھ ایک آپریشن توں واپس آریا تھا کڈی غو علق فوج غی187بٹالین توں ہے جس مانہہ23اہلکار سوار تھا ان بچوں 2اہلکار موقعور ہی ہلاک ہو گیا جدکہ16دیگر زخمیاں نانہہ اسپتال منتقل کیو گیو جت اُنہاں بچوں ایک بور زخماں غی تاب لاتا واں دم توڑ بیٹھو جس سنگ مرن آلا ی تعداد3ہوگئی قابل ذکر ہے جے زخمی جواناں بچوں 9نانہہ اُن غی نانک حالت ناہہ دیکھتا واں کمانڈر اسپتال ادھمپور پُجایو گیو اس حادثہ ور مرکزی وزیر ڈاکٹر جتندر سنگھ تے جموں کشمیر گا ایل جی منوج سنہا نے سی آر پی ایف اہلکاراں غی جاناں غا ضائع ہون ور گہرا دکھ غو اظہار کیو ہے اس سلسلہ مانہہ جانکاری دیتا واں ایڈیشنل ایس پی ادھمپور سنڈیپ بٹ نے اس طرح کہیو۔

BOOKS BANNED

جموں کشمیر حکومت نے25کتاباں ان غی کاپیاں تے دیگر دستاویزات غی اشاعت ور پابندی لاتا واں اُنہاں نانہہ ضبط کرن غو حکم دتو ہے۔ حکومت غو کہنو ہے کہ یوہ مواد جموں کشمیر مانہہ چوٹھا بیانہ تے علیحدگی پسندی نانہہ فروغ دے۔ آکاشوانی جموں گا نامہ نگار غے مطابق یوہ فیصلو لیفٹیننٹ گورنر منوج سنہا غا حکم غے تحت کیو گیو ہے جیسو کہ جموں کشمیر غا محکمہ داخلہ گا پرنسپل سیکرٹری غی طرفوں جاری کردہ نوٹفکیشن مانہہ کہیو گیو ہے حکومت غو کہنو ہے کہ تحقیقات تے قابل اعتماد معلومات غی بنیاد ور یاہ گل واضح ہونی ہے کہ نوجواناں نانہہ دہشت گردی تے تشدد در رجحان غی وجہ یہی گمراہ کُن تے علیحدگی پسند مواد ہے جہیزو ریاست غے اندر مسلسل پھیل رہیو ہے۔

CHARI YATRA

شری بڈھا امرناتھ جی یاترا غی سالانہ چھڑی مبارک شری دشمنی اکھاڑا پونچھ توں شروع ہونی جت سوامی وشوآتما نند سرسوتی نے چھڑی پوجن کی بعد مانہہ چھڑی مبارک نانہہ سوامی جی نے ایک جلوس غے شکل مانہہ شری بڈھا امرناتھ جی مندر غی طرف لے جایو غیو اس موقع ور تمام برادریاں سنگ تعلق رکھن آلا ہزاراں عقیدت مند تے سیکڑاں سادھو مزہبی جلوس غے نال تھا پونچھ توں منڈی جاتا واں مرکزی ٹھکانہ ننگالی تے ساتھرا تھو مقامی لوکاں تے سماجی تنظیمان کی جانب توں زائرین غی سہولیت واسطے بکھ بکھ مقامات ور بڑی تعداد مانہہ سٹال لایا گیا تھا۔

HANDLOOM DAY SAMBA

ملک غا دوجاں حصاں غی طرح سانہہ مانہہ وی 11ویں قومی ہتھ کڈی تہاڑو منایو گیو۔ مرکزی تقریب ضلع صدر دفتر سانہہ غا کانفرنس ہال مانہہ ہونی جت ڈپٹی کمشنر سانہہ راجیش شرما مہمماں خصوصی تھا۔ ڈی سی راجیش شرما نے سانہہ غا ہتھ کڈی غا سامان بنان آلاں غی جانب تیں لایا گیا سٹالاں غ و معائینو کیو تقریب غی خاص گل ہتھ کڈی غو براہ راست مظاہرو تھو اس موقع ور سانہہ اگ مختلف علاقاں تیں آیا وا ہتھ کڈی گا

سامان بنان آلا نانہ ڈی سی موصوف نے اعزاز سنگ نواز یو۔ آکاشوانی غا خبراں آلا شعوبہ سنگ گل کرتا واں ڈپٹی کمشنر سانبہ نے کہیو کہ یوہ تہاڑو 1905 مانہ مہاتما گاندھی غی قیادت مانہ شروع ہون آلی سودیشی تحریک غی 120 ویں سالگرہ غی یاد مانہ مانیو جے۔

HANDLOOM DAY REASI

ریاسی ضلع انتظامی نے وی قومی ہتھ کڈی تہاڑا نانہ جوش و خروش تے فخر سنگ مانیو یوہ پروگرام ضلع صدر دفتر مانہ منعقد ہوو جس مانہ مقامی کاریگراں اپنی مدد آپ گروپ بن کاراں ت طلباء نے حصو لیو۔ اس موقعور ڈپٹی کمشنر ریاسی ندھی ملک نے کہیو کہ ہتھ کڈی نانہ محفوظ رکھنو تے اس نانہ فروغ دینو بہت ضروری ہے کیونجے یوہ نہ صرف علاقہ غا ثقافتی پہچان نانہ ظاہر کرے بلکہ دیہی خانداناں واسطے روزگار گو ذریعو ہے۔

GDC KISHTWAR

گورنمنٹ ڈگری کالج کشتواڑ نے آزادی غا 79 واں یوم آزادی غی تقریبات غے تحت ضلعان غے بشکار کالجاں گا مقابلہ منعقد کیا اس تقریب مانہ علاقہ گا مختلف کالجاں غا طلبہ نے شرکت کی مقابلہ 4 زمراں مانہ منعقد کی اگیا مضمون لکھنو تقریر کرنو تصویر بنانوت قومی ترانو گان غو مقابلو شام تھو مختلف مقابلان مانہ کامیاب ہون آلا طلباں نانہ اعزاز تے اسناد دتا گی اتے تمام طلبہ نانہ کھان پین غی اشیاء دتی گئی یوہ مقابلو نہ صرف یوم آزادی غا جذبہ ت حب الوطنی نانہ اجاگر کرن غو ذریعو تھو بلکہ طلباء مانہ تخلیقی صلاحیتاں اظہار خیال ت تعلیمی سرگرمیاں نانہ فروغ دین غی ایک اچھی کوشش تگی۔

GEOSPATIAL LEADERSHIP AWARD

زرعی پیداوار محکمہ غا پرنسپل سیکرٹری شیلندر کمار نانہ جغرافیائی سائنس تے تکنیک شعبہ نانن فروغ دین وراں غی شاندار قیادت عزم تے بصیرت رہنمائی غا اعتراف مانہ باوقار نیشنل جیو سپاٹیکل لیڈر شپ اعزاز 2025 سنگ نواز یو گئیو ہے خاص طور ور مجموعی زرعی پیداوار پروگرام غا موثر نفاذ ت توسیع غے ذریعے یوہ اعزاز اُنہان نانہ اج ایک تقریب مانہ پیش کیو گئیو جہیڑو قومی جیو سپاٹیکل اعزاز 2025 شمارا دو گو حصو تھو جہیڑو جے ایس او ایس ایس ای ای جی آئی ایس پروجیکٹ غی ایک اہم پہل تھی جس غو اہتمام آئی آئی ٹی بمبے غے ذریعے قومی مشن برائے تعلیم بھارت سرکار آئی سی ٹی این ایم ای آئی سی ٹی غے تحت کیو گئیو تھو۔
